

جریدہ علیہ

مشتبہ جلیلہ اسلامیہ نك جریده رسمیه سید

۹ جمادی الاخری ۱۳۳۸ و ۲۹ شباط ۱۳۳۶

عدد ۵۵

اون بش کونده بر نشر اولور

بشقی سنه

فتاویٰ شریفه

نکاح

زید صغیر، قیزی هندى شهود محضر لرنده عمروه تزویج ایتدکدن صوکره زید نادم اولوب هندى بکره دخى تزویج ایلسه عقد ثانی صحیح اولورمی الجواب اولماز.

زید باباسی عمروک منیه سی هندک زوجی بکردن اولان قیزینک قیزی زینبی تزویج ایتمک جائز اولورمی الجواب اولماز.

زیدک زوجہ سی هنددن متولد اوغلی عمرو زیدک زوجة اخراسی زینک زوج آخردن متولد قیزی خدیجہ بی تزویج ایتمک جائز اولورمی الجواب اولور.

اکرام معتبر ایله اولان نکاح شرعاً صحیح اولورمی الجواب اولور.

رضاع

زید نسباً قیز قرنداشی هندک رضاعاً قیزی زینبی تزویج ایتمک جائز اولورمی الجواب اولماز.

زید رضاعاً قرنداشی عمروك نسباً قیز قرنداشی هندی تزوج مراد ایتدکده هند
زیدك والدهسنی امش اولمایق هندی تزوج جائز اولورمی . الجواب اولور .

*
**

طلاق

زید زوجه مدخول بهاسی هنده خطاباً سفی آلامق شرطیله بوشادم دیسه واقع اولان
طلاق رجعی اولیوب باین اولورمی . الجواب اولور .

*
**

زید زوجهسی هندی باننا تطلیق ایتدکنهکره عدتی ایچنده هند فوت اولسه زید
هنده وارث اولورمی . الجواب اولماز .

*
**

زید هندی تزوج ایتدکنهکره قبل الدخول والحلوه هندی تطلیق ایلسه هنده عدت
لازمه اولورمی . الجواب اولماز .

*
**

زید زوجه مدخول بهاسی هندی طلاق رجعی ایله تطلیق ایتدکنهکره طلاق اخیر
اولمایق زید هنده عدتی ایچنده مراجعت ایدوب تجدید نکاح ایتمدن هند ایله ازواج
معامله سنه قادر اولورمی . الجواب اولور .

*
**

عدت

زید فوت اولوب زوجهسی هند حاملی ترك ایتدکده هندك عدتی وضع حمل ایله
منقضیه اولورمی . الجواب اولور .

*
**

حضانة

هند صغیرهك حاضنهسی آناسی زینب نفسی صغیرهیه اجنبیه تزویج ایدوب صغیرهك
نسواندن حاضنه اخراسی اولماسه صغیرهك باباسی زید صغیرهیه زینبدن آلمغه قادر اولورمی
الجواب اولور .

*
**

زید قیزی هند بکر بالغه بی نفسنه ضم ایدوب حفظ ایتمک استد کده هند راضیه اولیوب
بن بالغه اولدم بعد ایوم سنکله ساکنه اولمام دیلدیکم یرده ساکنه اولورم دیمکه قادره
اولورمی الجواب اولماز .

* *

نقعه

زید آخر دیاره کیتد کدنمکره زوجہ سی هند تقدیر قاضی یا تراضی یوغیکن بر مدت
مالیله کچنسه زید کلد کده هند مدت مزبورده ایچون زیددن نفقه بها نامنه نسنه آلمغه قادره
اولورمی الجواب اولماز .

* *

هند صغیره فقیره نك نفقه سی باباسنك لابوین عمی اوغلی زید اوزرینه لازمه اولورمی
الجواب اولماز .

* *

زوجی اولیان هند فقیره بالغه نك نفقه سی باباسی اوزرینه لازمه اولورمی الجواب اولور .

* *

زید زوجہ سی هند نفقه ویرمیوب مغل وجور ایتمکه هند قاضیه واروب زیدک
حضورنده کندویه زید اوزرینه قدر معروف یومی شو قدر اچہ نفقه تقدیر ایتدبروب
اولقدر اچہ بی زیددن طلب ایتد کده زیدبغیر وجه ویرمامکه قادراولورمی الجواب اولماز .

* *

زوجی اولیان هند فقیره نك نفقه سی موسر اولان اوغلی زید اوزرینه لازمه اولورمی
الجواب اولور .

* *

غله وقف

بر وقفك غله سی قدیمدن برجهته صرف اولنورکن حالا متولی مصرف قدیمی تغییر
ایدوب غله مزبورده بی جهت اخرایه صرفه قادراولورمی الجواب اولماز .

توسيع جامع شريف

زيد جماعتي استيعاب ايتيان موجود بر جامع شريفى توسيع ايلسه جامع مزبور چوق
توسع ايدى بلك صلوة جمعه وعيدىن اقامتى ايجون اذن ساطانى لازم اولورمى الجواب اولور.

*
**

زاوية مشيخت

مسيختى واقفك اولادنه مشروطه اولان زاوية نك مشيختى اجانبدين اولان زيد اولاد
مقرض اولديلىر ديو برات ايتيدىر كدنه كره واقفك اولادندن اولوب مشيخته مستحق اولان
عمرو ظهور ايلسه مشيخت عمروه توجه اولنقى لازم اولورمى الجواب اولور.

*
**

فضولا بيع

زيد عمروك شو قدر قيو نى فضولا بكرة بيع وتسليم ايدوب بكر دنى قيونلرى
استهلاك ايلسه عمرو بيى مجيز اولمش اولما مقله قيونلرى بكرة تضمينه قادر اولورمى الجواب
اولور.

*
**

هبة

زيد مرض موتنده ملك منزلنى زوجة سى هنده هبة وتسليم ايتد كدنه كره زيد فوت
اولسه سائر ورثه سى هبة سى طوتميوب اول منزلى ميراثه ادخاله قادر اولورلرمى الجواب
اولورلر.

*
**

تسليم دنانير فى بائنه

فى رجل مسلم دفع فى دار الحرب لبنك من بنوك الحريرين مائة دينار مثلا على ان يتجروا
فيه ويسلموا اليه كل سنة خمسة دنانير حصته من الربح الحاصل فى البنك ورضى به صاحب
البنك فهل يحل اخذ هذا الربح شرعا حيث وقع العقد فى دار الحرب نعم يحل

*
**

ارث

تبعه دولت علیه اسلامیه دن غیر مسلم اولان هند فوت اولوب آنجق تبعه مشارالیه دن
غیر مسلم اولان لابوین قیز قرنداشی زیدی ترک ایتدکده زینب ترکه هندی احراره
قادره اولورمی الجواب اولور.

بوصورتده هندک تبعه دولت علیه دن غیر مسلم اولان ارقرنداشی قزی و تبعه اجنیه دن
غیر مسلم اولان قیز قرنداشلی دخی هنده وارثه اولورلری الجواب اولمازلر.

*
**

هند معتقه فوت اولوب کندوی آزاد ایدن زیدک اوغللری عمرو بکری ترک ایتدکده
ترکه هند مزبورلره سویاً ویریلسه صحیح اولورمی الجواب اولور.

*
**

زیدک اوغلی عمرو مستقلاً تجارت ایدوب بر مقدار مال تحصیل ایتدکنده بکری زید
فوت اولوب عمروی و سائر ورثه سی ترک ایلسه سائر ورثه عمروه بابا صاعقه نده اوغلاک مالی
اولماز دیوب مال مزبور میراثه ادخاله قادر اولورلری الجواب اولمازلر.

*
**

تبعه دولت علیه اسلامیه دن غیر مسلم اولان زیدک فوتندن بکری شرف اسلامه مشرف
اولان زوجه سی هند زیدک میراثدن محرومه اولورمی الجواب اولماز.

کتابه الفقیر الیه تعالی ابراهیم الحیدری
هفی عنه

